

## Hauptschwachheit.

55

schweren Kopffweh/ solche in dem Hirn wachsen möchten auß bösem vergiftten Wust/ so sich in den hōlen (ventriculis cerebri) versamlet/ wie etlich Anatomici sagen/ sie haben solche daselbst gefunden/ vnd im Anfang dieser Sucht der gemein Mann diß Fieber den Hirnwurm an <sup>Hirn-</sup>wurm. vielen Orthen genennt haben.

## Vom Schweiß. CAP. XI.

**W**iewol es mit diesen irrlauffenden gemeinen morbis viel ein andern weg hat / als mit dem Fieber / jedoch soll man / so viel möglich / die crises in acht haben / vnangesehen / dz alle signa crisima oder decretoria verborgen / dückisch vnd böß seynd. Also wie gemelt / ob sie schon je ein Fart gut erscheinen / so betriegen sie doch offte den Arzt vnd den Krancken.

Dann da kein verzehrung vnd concoctio morbi nit ist / da mögen auch keine gewisse dies decretorii nach Hipp. vnderrichtung / vffgemerckt werden. Diweil sich die Natur nit reinigt / sucht nicht ihre gewonliche Außzång vnd örther / dardurch böse humores außziengen / sondern es geht alles nur zu des Krancken verderben. - Die Krancken werden immer zu je lenger je mehr schwächer / müß vnd grosse schmerzē nemen vber hand / wie solchs auch Gal. 3. de crisib. gnugsam beweist / <sup>Zweyer-</sup> <sup>len</sup> <sup>Schweiß.</sup> <sup>1. Sudor</sup> <sup>decreto-</sup> <sup>rius.</sup> derwegen ich hie von zweyerley Schweiß muß reden.

Der erst ist nit decretorius, sonder bey krankheit / welcher sich bald mit diesem morbo anfängt / hört auch nit gern balde vff / ist zuvergleichen einem warmen nassen Regentwetter / wie dasselbig für vnd an nasset / vnd regend / feucht vnd naß macht : Also fällt in diesem Fieber offtemals manches bald ein feuchter / warmer / dünstiger Schweiß an / vnd ist sehr gefährlich / vnd wirdt vergleicht ein vergiftten Mittagwindt / wie derselbig Wind gern Regen vnd Nässe mit sich bringt : Also bringt solcher Windt dergleichen solche nasse warme Schweiß Fieber mit sich / wie solchs Hipp. lib. 3. aphor. 6. recht lengst vermeldet hat / da er spricht : Wann im Sommer viel Mittagwindt blasen / vnd solcher feucht ist / so gibt es Fieber / die Schweiß mit sich bringen / als wolt er sagen / gleich wie das Wetter ist / solcher art seynd auch die Fieber. Ist es naß / feucht / warm / also auch ein naß / feuchtes / dünstigs / warmes Fieber. Aber hie ist diese Regel wol zu vnderscheiden / dz dise Ungarische <sup>Mittag</sup> <sup>Windts</sup> <sup>Natur.</sup> <sup>Schweiß</sup> <sup>Fieber.</sup> Suche